

kun agrabla sukerdolĉa gusto (cucumis melo).

**melongeno** *♂*. Speco de manĝebla solano, kies frukto, longforme simila al kukumo, estas blanka, flava aŭ viola (solanum melongena).

**melopeo** *♂*. Ritmita kanto akompananta la deklamadon.

**melopepo** *♂*. G. de kukurbacoj (melopepo).

\* **Mem.** 1° Adv. : 1 Kiun oni aldonas al subst. aŭ (kelkfoje subkomprenata) pronomo, por insisti pri la nealieco k identeco de la koncernata persono aŭ afero : *mi devas ~ ĉion plenumi Z ; la prezidanto ~ preparas projekton Z ; mi eĉ ~ uzas liujn vortojn Z ; lasi la akceptadon al la decido de la Esp-istoj ~ Z ; fiziko estas la nomo de la scienco ~ Z ; tio tuŝas la esencon ~ de la demando Z ; mi parolas ne pri la ago de la ekokupo ~, sed pri la stato, en kiu mi troviĝas Z ; tion ĉi garantias al ni la karaktero ~ de ilia lando Z ; mi deziras paroli al ti ~ ; ti amas sin ~ Z ; mi amas lin kiel min ~ ; la komitato ne riskos preni sur sin ~ la kreadon de tute nova lingvo Z ; se vi volas trinki, prenu (sk vi) ~ akvon Z ; ĉiun demandu, sed (sk vi) ~ al vi komandu Z ; kiu kritikas kuraĝe, (sk tiu) ~ agas malsaĝe Z. 2 Signifanta : « nur per si, sen helpo aŭ iniciato de iu alia ; fare k vole de si sendepende de iu alia ; spontanee, propramove k propraforte » : *mal-saĝuloj kreskas ~, sen plugo k sem' Z ; kio ~ ne venas, oni per la dentoj prenas Z ; ne venas rato ~ al kato Z ; ĉiu el vi post kelka meditado facile ~ trovas la respondojn Z ; la celo de la Delegacio estis elekti ~ komitaton, kiu esplorus la demandon Z ; tio estas komprenebla per si ~ Z ; la vivo jam ~ solvis la diritan demandon Z.**

II° Prefikso uzata samsence 1 kiel 1° 2 : *~mova ; ~stara ; ~vole Z ; ~instruito ; ~lerninto ; ~farita homo ; ~disciplino ; ~helpi al si Z ; ~elektitaj hered-oj Z ; ~semiginta greno Z ; ~komprenebla ; ~evidenta ; ~sekva. 2 Signifanta « koncerne sin mem » k uzata samsence kiel 1° 1 por insisti pri la nealieco k identeco de la koncernata persono en la apartaĵ okazoj, kie la sama persono estas samtempe faranto (subjekto) k suferanto (komplemento) de la ago : *~estimo ; ~amo ; ~konservo ; ~defendo ; ~mort-**

*igo ; ~kono ; ~kontente Z ; tio ne estas aŭtora ~fido Z ; ~sidema Z ; ne perdi la ~regecon Z. Rim. : En tiu ĉi uzado oni povas k, en kelkaj vortoj, oni kutimas anstataŭigi mem per sin : sinamo, sinhelpi, sinregi, sinmortigo, sindefendo, sinforĝeso, sindona Z, sindoneco, singarda Z.*

III° Vortero samsignifa kiel 1° 1 : ~a. Estanta ĝuste tiu, pri kiu temas aŭ kiu koncernas la afero ; identa 2. ~o. Persono konscia pri sia propra personeco : *ili sentas tion, sed nur duone, ilia alia ~o estas ĉe aliaj aferoj ; tia malbona ~o jam relevis la kapon. ~eco. Identeco 2.*

\* **Membro.** 1 Ĉiu el la kvar moveblaj pecoj de la korpo kunigitaj kun la trunko per artiklo : *la superaj (brakoj) k malsuperaj (kruroj) ~oj de homo. 2 (f) Ano de societo, partio, familio kc. 3 (f) Aparta difinita ero de tutaĵo : ~o de frazo, de ekvacio. Dis~igl. Dividi laŭ difinitaj partoj : *dis~igi beston, frazon, vorton ; mi aranĝis plenan dis~igon de la ideoj en memstarajn vortojn Z ; mi alkonformigis la dis~igon de la lingvo al la spirito de la lingvoj Eŭropaj Z.**

**Membrano.** 1 Organika teksaĵo formanta maldikan flekseblan folion : *la muka ~o de la stomako. 2 Maldika fleksebla folio : celuloida ~o por fotografo (Kp FILMO).*

\* **Memori** (x). Konservi aŭ denove prezenti al si antaŭe ricevitaĵajn perceptojn aŭ ideojn : *neniu plu ilin ~as Z ; ~i fakton Z, lecionon, vorton Z, ofendon, amikon ; ~i pri io aŭ iu Z ; mi bone ~as tiun grandiozan vidaĵon ; kiu volas mensogi, devas bone ~i Z. Kp GRAVURI 2. ~o. 1 Kapablo ~i : havi bonan ~on Z ; noti al si en la ~o Z ; enskribi en sian ~on Z ; mi uzas la okazon por revoki en vian ~on la nomon de Z. 2 Konservado aŭ denova prezentado al la konscio je ia antaŭa percepto aŭ ideo : havi, teni, gardi la ~on de, pri io, iu ; desegni portreton el la ~o B ; akceptu miajn bon~ojn. ~e. Parkere. ~e de. Por ~igo pri. ~aĵo. 1 Skribajo, libro pri propraj travivitaj okazaĵoj. 2 ~iga donaco. ~igl. Daŭrigi la ~on pri. ~igaĵo. Ĉio, kio servas por konservi la ~on pri io aŭ iu (monumento, statuo, verko kc) : *terura ~igaĵo el la mezaĵ**